

22. marts 2022

UPA 2022/158

Kalaallit Nunaani eqqartuussisarnermi inatsisip, Meeqqat inatsiseqartitaanerannik Kalaallit Nunaanni inatsisip, aappariilersarneq aappariikkunnaartarnerlu pillugit Kalaallit Nunaannut inatsisip aamma aappariinnermi inatsisitigut kingunerisassat pillugit Kalaallit Nunaannut inatsisip allangortinneqarnissaannik inatsit pillugu Inatsisartut aalajangiiffigisassaattut siunnersuut (Kalaallit Nunaanni kingornussisarneq agguasarnerlu pillugit inatsisit nutarterneqarnerisa kingunerisaanik allannguinerit)

(Meeqqanut, Inuusuttunut Ilaqutariinnullu Naalakkersuisoq)

Inatsisit nunap inui pillugit suliaapput, taakkunungalunaleqqukkunnaarsimappata naleqqussarneqartussaapput, matumanilu naleqqussaaniarneq nutarsaaniarneq Siumumit pitsaasutut isigaarput naapertuuttutullu isigalutigu.

Ukiarmi, tassalu 2021-imi ukiakkut Inatsisartut ataatsimiinneranni ilaatigut naleqqussaaniarsaq siunertaralugu sammivagut kingornussisarnermik inatsit, aappariit pigisaasa agguarnerat pillugu inatsit, toqusup pigisaasa agguarneqarnerat pillugu inatsit kiisalu eqqartuussisarnermik inatsit, taamaalilluni allannguutaasussatut siunnersuutit Kalaallit Nunaanni atuutilersinneqarnissaannik peqqussutissatut missingiummut Namminersorlutik Oqartussat isumaqataanerat qulakkeerniarneqarluni.

Taassumalu siunnersuutip Inatsisinut ataatsimiititaliamut suliarineqartussanngorlugu innersuunneqarsimasup upernaag maannamut aappassaaneerneqarnissaa kinguartinneqarsimavoq, ilaatigut siunnersuummi matumuunakkut anguniarneqartut ilanngullugit suliarineqarnissaat qulakkeerniarneqarmat.

Tamanna inuiaqatigiinnut aqqiissuteqarnissamik naleqqussaaniarsamillu iluitsuusumik anguniagaqarnermik toqqammaveqarmat Siumumit iluarisimaarparput, taamaattumillu suliap Inatsisinut ataatsimiititaliami suliarineqarnissaa innersuukkusupparput, tassanilu siunnersuut manna sukumiisumik suliarineqarsinnaaqullugu.

Anders Olsen, Siumut.

